

7  
I. N. J.  
DISPUTATIO PHYSICA  
D E

STELLIS

QUAM

*Jussu, consensu, & approbatione Veneranda Facultatis  
Philosophica in Regia Academia Fennorum:*

PRÆSIDË

*Reverendo & Praclarissimo Viro,*

DN. M. ABRAHAMO G. THAU-  
VONIO, Phys. & Botan. Professore Pub. celeberrimo,  
Pastore in Sundo / vigilantiss. Fac. Philos. p, t,  
Decano spectabili; Præceptore & Promotore  
suo æternùm devenerando;

*Pro gradu in Philosophia ejusq; Privilegijs Can-  
didæ eruditorum examini modestè sissit,*

CLAUDIUS MARTINI HOLSTIUS  
ABOENSIS.

*Ad diem 26. Aprilis Anni 1656, in Audit. Majori.*

1656

ABOË

---

Impressa à PETRO Hanson / Acad, Typog,



S:<sup>z</sup> R:<sup>z</sup> M:<sup>is</sup> Fidelissimo,

Generoso & Nobilissimo Domino,

**DN. JOHANNI Wunck/**

Hæredit: in Fulkila/ Nuhiala/ & Raghöö/ &c. Supremi  
Judicij Regij quod Aboæ Fennorum est vice, Præsidi  
eminentissimo, Judici Territoriali in Hällåls  
æquissimo, Meccenati suo exoptatissimo.

U T E T

*Viris Reverendis, Humaniss. ac Doctissimis:*

**DN. CLAUDIO** | **DN. JACOBO STE-**

**MART,** Brennero, Præp.  
& Past. in Töfsala vigilantiss:  
Evergetæ & Nutritio suo libe-  
ralissimo.

**PHANI,** Past. in Lem-  
meritissimo, Benefactori plu-  
rimum colendo.

**DN. MATTHIÆ BER-**  
**GIO,** Past. in Pöyts attentissi-  
mo, fautori & amico honoran-  
do.

**DN. NICOLAO H.**  
**Rauhainen/** Comministro in  
Töfsala solertissimo, Patrio-  
tæ & amico per dilecto.

*Disputationem hanc inauguralem D. & D.*

Reverentèr

officiose

& peramicè

**Claudius Mart. Holstius**





Disputationis Physicæ  
DE  
S T E L L I S

εἰσὸδός.

**L**ucidissima illæ cœli faces Stellæ, quas Apulejus radiantes Deos nuncupat, quantum omnibus terrigenis Divinæ bonitatis, Sapientiæ & potentia documentum jam inde à mundi exordio extiterint, testes sunt celeberrimæ non Christianorum modo, verum & gentilium voces, quibus cœlum ipsum tanquam explicatum & amplissimum volumen conditoris Majestatem aureis quasi literis universo huic amphitheatro exprimens, uno velut ore decantarunt. Præclara sunt illa Davidis: *Iehova Domine noster, quam magnificum ( admirabile ) est nomen tuum in universa terra. Cum respicio cœlos tuos & opus digitorum tuorum: lunam & stellas quas statuisti &c.* Præclara Anaxagoræ qui se solis, lunæ & cœli videndi causa natura fuisse respondit. Et Ciceronis illa:

*Quis est tam stultus qui cum suspexerit in cœlum, Deos esse non sentiat.*

Cui accinit Naso:

*Os homini sublime dedit, cœlumq; tueri  
Iussit & erectos ad sidera tollere vultus.*

Mihi igitur cum aliquod Philosophicorum studiorū specimen iussu Vener. Fac. Phil. ex Acad. Constit. tenore, edendum esset, facile fulgentissima hæc sydera in tui admirationem



tionem & oculos & animum rapuere, adeo ut illa honestif-  
sima voluptate motus, Sacrosanctæ Scripturæ autoritate  
adjutus & rectæ rationis momentis stipatus, stellarum na-  
turam breviter saltem explicandam judicaverim. Sit itaque

ΣΥΝΘΕΣΙΣ

## Thesis I.

**U**T à vocis ordiamur Etymo, dicitur Stella  
nonnullis à stando, quod semper fixæ in cœlo stent,  
vel certè videantur stare, & sub specie stantis progredi.  
Hæc origo doctis non placet, siquidem parum vel nihil  
affinitatis sit inter stare & Stellam. Alijs Stella dicitur  
quasi luminis stilla, quam allusionem Quintilianus impro-  
bat. Notatio verisimilima est quæ ἀπὸ τὸ σέλλειν, e, orna-  
re, mittere, &c. quod vid. & cœlum ornet & lumen ac  
radios emittant. Hebræis **COCAB** Stella dicitur à Coc  
accendere. Germanici **Stern** & Svecici, **Stierna** ety-  
mon videtur obscurius, nisi per aphæresin à Græco ἀστὴρ  
derivare placeat. Finnonicum **Fächti** vel primitivum est  
& inde verbum **Fächti** videre, animadvertere, vel vice-  
versa à verbo dicitur.

2. *Homonymia* hujus vocabuli non est adeo varia. Scri-  
bit Plin. h. n. l. 9. c. 60. Concham quandam marinam vo-  
cari stellam, cui tam igneum fervorem inesse tradit ut om-  
nia contacta adurat. Illa significatione missa, stellæ im-  
præsentiarum nobis sunt corpora cœlestia.

3. *Synonymiam* quod attinet stellæ alias vocantur astra,  
sidera, lumina cœlestia. Poëtis faces, flammæ, luces, ignes  
æterni, Titania astra &c.

4. Evoluto nomine, non incommodè ita definiun-  
tur:



*tur: Stella sunt corpora naturalia simplicia, lucida, globosa, semper mobilia, ex luce primigeniâ ad salutem inferiorum producta. Ex hac definitione notamus Genus & Differentiam.*

5. *Genus tribus exprimitur vocibus: Sunt corpora naturalia simplicia. Simplicia sunt respectivè, quia è corporum diversorum commistione conflata non sunt, nec in alia corpora se priora resolvi possunt. Non tamen absolute simplicia, quia materia stellarum, lux videlicet primigenia fuit integrum corpus.*

6. *Differentia desumitur è causis & affectionibus, quæ ordine nobis ponderandæ,*

7. *Efficiens stellarum est Deus Opt. Max. qui ut secundo die cœli expansum, ita quarto stellas seu cœli luminaria condidit. De qua assertionem Christianus nemo & sanæ mentis dubitat: expressa enim Moïsis verba sunt Gen. 1. v. 10. Fecit Deus duo luminaria magna, luminare majus ob Dominium diei & luminare minus ob dominium noctis & stellas, & posuit eas in firmamento cœli Deus, ut illuminarent terram, & ut præfessent diei ac nocti: & vidit Deus quod esset bonum; fuitq; vespera & mane dies quartus.*

8. *Finis stellarum cum quo & effecta concurrunt, est varius. Summus est illustratio gloriæ opificis. Inde est quod sæpissimè Prophetæ & Psaltes ad cœlestia corpora provocent eaq; ad laudem Dei excitent, ut Psal. 148. Laudate eum sol & luna, laudate eum omnes stellæ lucidæ. Dan. 3. Astra cœli benedicite Domino &c. Subordinatus finis est 1. ut tanquam illustrissimæ faeces mundum inferiorem illustrent. Sintq; in luminaria ad afferendum lucem super terram. 2. Ut tempora describant & tempestatum vices efficiant. Hic finis à Deo indigitatur Gen. 1. Sint luminaria in firmamento ut dividant diem à nocte, & sint in signa & tempora & annos & dies. 3. Ut in hæc sublunaria agant, & rerum nascentium generatio-*



nes promoveant. Hunc finem probat jugis experientia  
& stellarum in hæc inferiora perpetuus influxus. 4. Ut  
rerum futurarum, tam naturalium quam civilium  
signa sint. Signa verò sunt rerum *vel extraordinarias*  
*rum*, ut Ecclipsis tempore passionis Christi, Solis statio  
Umpore Josuæ, retrogressio tempore R. Ezechia:  
tet & adventum Christi præcedent signa in Sole, Luna  
& reliquis Stellis. *Vel ordinariarum*, ut veris, æstatis, &c.  
temperiei aeris, accessus & recessus maris, arandi, semi-  
nandi, inferendi, plantandi, metendi, &c.

9. *Materiam* stellarum esse lucem primigeniam h. e.  
substantiam lucidam primo creationis die à Deo factam  
cum Theologis & Physicis clarissimis asseveramus.

10. *Forma* stellarum generica doctis dicitur esse for-  
ma lucis primigeniæ. Specifica verò forma & principi-  
um *ἐπερὶ ἧς οὐδὲν* cujuslibet Stellæ per quam à cœlo & à se  
invicem distinguuntur, in hac intellectus cœcitate nos la-  
tet; ea tamen non neganda, quam affectiones & operatio-  
nes arguunt.

11. Ita fuerunt causæ, sequuntur affectiones *quantitas*,  
*figura, lux, visibilitas, motus & influxus*. De quibus brevissime.

12. *Quantitatem* stellis convenire & ratio & sensus do-  
cet. Sunt enim corpora naturalia, ergò materiata, ergò  
quânta: deinde non exigua earum magnitudo, quamvis  
ob distantiam remotissimam ita appareant: ea enim  
Mathematicorum calculo in quibusdam tanta est  
ut totius terræ molem excedant, non nullæ exæ-  
quent, aliæ minores sint, omnes tamen visibili apparentiâ  
majores.

13. *Figura* stellarum est globosa rotunditas, quæ *figus*  
*ra* facit ut omnes stellæ in quacund; regione & quocund;  
*coeli*



coeli loco, rotundæ nobis appareant, quod sphaerica figura  
propriū esse, Optici demonstrant, & ex eclipsibus ac va-  
rijs phasibus lunæ plenius explicant.

14. *Lucem* Stellis competere, imò primarium lucis  
subjectum esse qui non videt cæcus est. Lux autem illa  
quæ in igne culinari, candelâ, in aquis purioribus, in me-  
tallis politioribus, in speculis, in lignis putridis, in lampyri-  
dibus & similibus resplendet, si cœlesti luci & fulgentissi-  
mis astrorum conferatur facib, vel perexigua est, vel eva-  
nescit penitus.

15. A luce fluit *visibilitas*, qua Stellæ in oculos incur-  
runt: Omne enim lucidum per se visibile est.

16. *Motus* stellarum seu latio est passio qua ab interno  
principio in cælo circulariter & libere moventur ab ortu  
in occasum perpetuò. Quarum tanta est velocitas ut respec-  
tively multa millena miliaria singulis horis conficiant.

17. *Influxus stellarum* est quo temporum vicissitudines,  
tempestatum varietates, generationum & corruptionum  
vices, fœcunditates, rerum sublunarium mutationes, humo-  
rum augmenta & decremēta &c. causantur. Hæc experi-  
entia quotidiana rata facit.

18. Stellæ dividuntur in *Fixas* & *Errantes*.  
*Fixæ* sunt quæ in firmamento vulgò octava sphaera immu-  
tabilibus inter se currunt intervallis eandem perpetuò à  
terra distantiam servantēs & scintillantēs.

*Fixæ* sunt vel *ignota nobis* quæ observari hætenus & distingui  
non potuerunt, cum ob nimiam à terra distantiam, tum ob  
minimam eorum quantitatem apparentē, ut in Galaxia &c  
*Vel nota* quas sedula Mathematicorum observavit, nume-  
ravit & distinxit contemplatio: quarum numerus defini-  
tur millæ viginti duæ. De quibus plura videantur in li-  
bellis Sphaericis.



19. *Errantes sunt infra fixas collocata à cursuum, situum, & distantiarum variationibus, Planeta dicti, qui vulgo numerantur septem; Saturnus, Iupiter, Mars, Sol, Venus, Mercurius, Luna.*

20. Sed de his obiter saltem, uberiorem tractationem Astronomiæ relinquentes. Ut verò stellarum natura plenius innotescat subjungam controversas aliquot

## QUÆSTIONES.

1. *An stellæ moveantur liberè per se & non ad cœli motum? Aff.*

Peripatetici proprium stellis motum ademerunt & cœlo seu orbibus adscriperunt. Verum cum cœlum sit corpus ad motum ineptum & orbis nulli sint, statuimus stellas moveri per se, à principio interno & vi divinitus insitâ, idq; autoritate Sacrarû præcipuè literarum, quæ motum non cœlo sed stellis asserunt. Unde Psal. 19. *Sol tamquam sponsus de thalamo prodire dicitur & latari tanquam robustus decursurus viam. Ab extremitate cœlorum exortus ejus & revolutio ejus ad extremitates eorum est.* Psal. 104. *Sol occasum suum agnoscere dicitur.* Confer Ecclesiast. 9. Cum hac quæstione coincidit illa: *An dentur orbis reales in cœlo?* quæ negatur. Ratiopatet ex motibus Martis qui perigæus orbem solis intrat & Veneris quæ Apogæa supra sphaeram solis ascendit.

2. *Quo sensu Sol & Luna luminaria magna sint?*

Solem & Lunam Moses vocat *luminaria magna*, verum cum Mathematici accuratissimis demonstrationibus Saturni, Iovis & Martis magnitudinem, quantitatem Lunæ superare probaverint, quæri cæptum est quâ ratione Luna etiam luminare magnum dicatur. De Sole enim nullus dubitat. Ad id respondēt eruditi, Mosen non de quantitate

corpo-



corporum exactè differere, verum de lucis saltem loqui magnitudine. Atq; sic luna post Solem luminare magnum est, quia terram post Solem maximè illuminat, utpote proxima, cum superiores multò removeantur longius. Unde Luna ob vicinitatem etiam maxima videtur. Inde est quod luna ad præfecturam noctis facta dicatur.

3. *An Sol tempore matutino sit major quam meridiano? N.*

Sol tempore matutino ob medium vaporibus condensatum & crassum, apparet saltem, non est major, non secus ac nummus in aqua conspectus solito major videtur. Vapores igitur cum ad meridiem dissipentur, Sol apparet minor ob medium subtilius.

4. *An Sol tripudiet festo Paschatos? N.*

Imperitum vulgus forte fortunà manè Paschatos exiens aërem vaporibus repletum huc illuc subsultare & solem insuper exoriri animadvertens, cum causæ quid subesset non intelligeret, superstitiosa pietate exorientem solem in memoriam resurrectionis Christi tripudiare existimabat. Sed idem tripudium cum docti alio etiam tempore veris aere similiter affecto observavere, errorem hunc vulgi facile deprehenderunt. Obvertunt illi in memoriam resurrectionis Christi Solem etiamnum tripudiare. Sed si saltus ille verus esset non circa auroram, sed toto die fieret, quia sol semper alijs atq; alijs terræ inhabitatoribus oritur. Disting igitur inter experientiam rusticam & judiciosam; Et *Παυρότερον* hoc non ad Solem sed in medium vel oculorum errorem referendum.

5. *Cur stellæ interdiu non videantur?*

Lumen majus solis videlicet, reliquarum minora luminaria absorbet quasi, & aspectui adimit, adeo ut ad eantante



major luce solis minores non sentiuntur, hoc est quod vulgo dicitur, *lumen majus obfuscat minus.*

6. *An Deus novae stellas condat ?*

De cometis qui interdum visuntur & novis stellis res est valde obscura. Siquidem natura ad tales effectus producendos videtur insufficientis & Deus ab opere creationis cessasse creditur. Magnorum tamen Theologorum & Philosophorum est sententia, sidera ejusmodi extraordinaria à Deo Opt. Max. recens procreari ut magnum aliquid mortalibus portenderent. Cessavit Deus ab omni opere creationis ordinario, interim non ademit sibi potestatem stellas alias efficiendi, *is n. potest vocare ea quae non sunt, ut sint.*

7. *Qualis fuerit stella Magorum ?*

Nato Stellarum rege Christo in Bethlehem, stella quaedam Magis in oriente apparuit; quae duce primum Jerosolyma, postmodum Bethleem petentes Christum invenerunt. Chrysostomus arbitratur illam fuisse virtutem Angelicam, verum cur à textu sacro abeamus & ex angelo stellam faciamus, causa planè nulla est. Erat igitur stella extraordinaria, 1. Quia inæqualis & diversus ejus fuit motus. 2. Quia modò apparuit modo disparuit. 3. Quia interdiu etiam fulsit. 4. Quia temporaria fuit. 5. Quia immota quandoquè stetit.

8. *An Sol sit Subjectivè calidus ? Aff.*

Schola Peripatetica quam sequitur Clariss. Sperlingius asserit Solem quidem calefacere, sed actu habitualiter & subjectivè calidum esse negat. Alij quibus & nos subscri-

bimus



himus, aſſerunt Solem ſubjectivè eſſe calidum, quæ ſententia & ſcripturæ ſacræ, & experientiæ ac rectæ rationi videtur conſona. Quis enim Spiritus Dei teſtimonio contradicere audeat, qui ita in Pfalmo; *nec eſt quod abſcondatur à calore ejus & Eccleſiaſtico, Sol in meridiano exurit terram & in conſpectu ardoris ejus quis ſubiſtet.* &c. pronunciat. Deinde experientia & ratio idem probat, quia radij Solares quo directiores, eo calidiores ſunt; cætera diſputationis incudi referamus.

9. *An omnes ſtelle nativam habeant lucem? Aff.*

Sunt nonnulli qui omnem aliorum aſtrorum lucem à ſole mutuatiſſimam eſſe contendunt; moti præcipuè exemplo lunæ quam à Sole illuminari extra controverſiam eſt. Nihilominus rectius ſtatuitur omnes Stellas propria luce gaudere, tum quia omnes ex luce primæva à Deo ſunt creatæ, tum quia Pandectæ ſacræ aliam Soli, aliam Lunæ & ſtellis reliquis lucem tranſcribunt. Moïſes in Genefi omnes ſtellas appellat *luminaria*. Idem teſtatur Jerem. inquitens; *qui diſponit Solem ad lucem interdiu ſtatuta luna & ſtellarum in lucem noctu.* Ab Apoſt. I. Cor. *Alia ſolis gloria (ſeu claritas) alia luna, alia aſtrorum eſſe dicitur.* Immo ipſa luna ut ex Ecclipſibus liquet propriam & congenitam lucem habet: de reliquis idem eſto judicium.

20. *Cur aſtra, imprimis Sol & Luna nobis tantum plana videantur?*

Superius Th. 13. dictum eſt figuram ſtellarum eſſe globolaſſimam ſeu Sphæricam, unde occaſio datur quaſtioni cur planæ tantum videantur. Reſpondent Optici in



causa esse nimiam distantiam per quam nulla stellæ pars plus à nobis videtur distare. Convexitas enim visu nequit percipi, sed quæ procul distant simplicis dispositionis, hoc est, plana videntur. Vide Arist. Probl. sect. 18, q. 7.

11. *An stellarum numerus ab hominibus definitur?* N.

Stellarum numerus in se quidem certus & definitus est; verum Physicis, Astronomis & omnibus hominibus incognitus. Mathematici nonnulli contendunt stellas omnes oculis esse obvias & facile numerari posse, quas illi in 48 asterismis vulgò 1022<sup>as</sup> numerant. Alij adhuc longè plures. Sacris literis si attendimus, stellarum numerationem omninò hominibus impossibilem esse istæ disertè asserunt. Ierem: effatur: *Quemadmodum non potest numerari exercitus cæli (h. e. stella) nec mensurari potest arena maris &c. Dixit Deus Abrahamo: Suspice cælum & numera stellas si potes &c. Quæ tanquam conditio impossibilis Abrahamo proponitur. His accedit neotericorum diligentia quæ fistulis Dioptricis innumeras in Galaxia (quam Aristoteles meteoron esse perperam putavit) stellas observavit. Verus igitur est ille consuetus numerus saltem de ijs quæ communiter apparent, quamvis revera longè plures sint.*

12. *An stellæ agant in voluntatem hominis?* Dist.

Stellarum vires in sublunari hoc mundo, mirabiles esse nemo negaverit, nisi qui nudius tertius natus est. An vero earum virtuti voluntas hominis subiecta sit, acriter disputant. Nos distinguimus *inter influxum directum & indirectum & inter influxum* (absinjunctis verbis) *necessitan-*



*tem & inclinantem.* Voluntas humana in agendo habet libertatem, ad quam stellæ se habent indifferenter & non determinativè. Agunt igitur stellæ in eam mediatè saltem ac neutiquam cogendo sed inclinando. *Astra inclinant non necessitant.* Sapiens ergò dominabitur astris.

13. *Unde lunæ proveniant maculæ ?*

In luna plena præcipuè, maculæ quædam observantur, quæ unde proveniant, variæ semper & admirabiles Physicorum & Mathematicorum fuere sententiæ, quarum pleræq; ne enumeratione quidem dignæ sunt. Recentiorū sententia maximè probabilis hæc est, quod luna partes habeat alias densiores, alias rariores, unde evenit, ut densioribus pleniori lumine collustratis rariores minus luceant, & macularum species repræsentent.

C O R O L L A R I A :

1. *Inter virtutes Ethicas numeranda est pietas.*
2. *Mali moralis datur causa Efficiens.*
3. *Vino uti sine Temperantiæ jacturâ possumus.*
4. *Saltationum mos in convivijs, talis est quo facillimè carere possumus.*
5. *Moderna Musica est præferenda veteri.*
6. *Ecclipsis Solis quæ Christo in cruce pendente contigit, erat miraculosa videl. in plenilunio & univversalis, Marc. 15. v. 33.*
7. *Annus interitus mundi ab hominibus definiri non potest.*
8. *Magistratus politicus Deo placet, & Christianus bonâ conscientia officium magistratus gerere potest.*



9. Magistratui iniqua precipienti non est obediendum.  
 20. Stellæ intelligentias pro formis assistentibus non habent.  
 21. Mercatura est medium licitum acquirendi rem familiarem.  
 22. Deus omnis boni causa est & nullius mali causa esse potest.  
 23. Inter finitum & infinitum non datur medium.  
 24. Non necessum est ut omnia corpora natura lumine constent.  
 25. Æternum præter Deum nihil est.  
 26. Solus Deus est increatus cætera omnia sunt creata.



*Eruditione, modestiâ atq; humanitate conspicuo Juveni,*

**DN. CLAUDIO MARTINI HOLSTIO**

Aboënsi, Sanioris Philosophiæ Candidato, pro gradu  
 Magisterij publicè disputanti, Sic l. mq;  
 applausi;

**F**ulgida stelliferum velut ornant undiq; cælum  
 Astra; ita sunt terris lumina clara virum.  
 Hinc cathedram scandens mi dilectissime Claudi  
 Celsam, de stellis disseris appositè.  
 Si quoq; tu patrium fac lucens stella per orbem!  
 Ter fausto meritisq; omine surgat honos!

amicâ mente & manu

**MICHAEL GyllenStâlpe &c.**  
 Ornant



**O**Rnant ut nitidum rutilantia sidera caelum;  
Fulgebunt docti splendida ut astra poli.  
Flammigero stella in caelo splendore coruscant,  
Sic pia Doctorum vox sonat e cathedra!  
Fac tua sic **CLAUDI** vita & doctrina relucet,  
Inque Choro Christum perge sonare Deum.  
Vox tua vox Christi, salvantia verba docebit  
In mundo; fies fulgida stella poli!

*Hoc tetraſtico Politis, Dn. Reſpon-  
ſurum Phil. Candidat. ab ineun-  
te ætate amicum, honorare vo-  
luit*

**E. JUSTANDER.**



**A**Stra tenent homines: penetrat solertia mentis  
Æquor in immensum, stellati mania caeli;  
Ampla miratur qua sint fundamina terra,  
Et summos Phœbo vicinos edocet ignes.  
Gratulor ergo tibi Doctissime sympatriota  
**HOLSTI**, nosſer amor, ſophiæ decus atq; coruſcum,  
Eusebia pariter cultis addicte Camænis,  
Qui non ignavam refoves sine acumine mentem:  
Astra doces, illis si quid subtilius illuc  
Mens exculta satis tua non horrebit adire.  
Ergo Pierides Lauro tibi tempora cingent,  
Et cupient auro digitum circumdare claro.


*Hæc*



*Hæc cape ceu meruit solers industria dudum;  
Sidere quod fiat felici sedulus opto!*

Ita Politissimo Domino Candidato, amico suo studiose colendo, licet occupatissimus gratulari voluit,

JACOBUS FLACHSENIUS.



*VIR O Juveni literarum pariter ac virtutum  
decore ornatissimo,*

**DN. CLAUDIO M. HOLSTIO**

*Candidato Philosophiæ meritissimo, Fautori ac amico inter  
multos primo, amoris ergo perpetui ex animo  
gratulabatur;*

**I**ste quidem felix totoquæ ex asse beatus  
Annus erat Sophiæ dum Claudi docte litasti,  
Sponte suaq; offert nunc munera magnus Apollo:  
Annuit, & nexam lauri de fronde coronam.  
Lætior imponit capiti Parnassia proles  
Atq; ait ingenij cape præmia digna sagacis.  
Sic niveis ædes ad honoris vecte quadrigis  
Inq; Dei & patriæ laudem, tu vive beatus.

*ISRAEL ERICI Alfranus  
Eöfsalensis.*

